



Zamjenik generalnog revizora, Dragan Kolobarić, učestvovao je na X kongresu Evropske organizacije vrhovnih revizijskih institucija održanom od 22. do 25. maja 2017. u Istanbulu, čiji je domaćin bio Računski sud Turske.

Glavna tema X EUROSAI Kongresa, bila je primjena ISSAI standarda te izazovi i rješenja u cilju daljeg unapređenja standarda. Kroz dvije plenarne sesije, na Kongresu je razmatrana realizacija Strateškog plana EUROSAI-a za period od 2011. do 2017. godine, kao i izvještaji radnih grupa EUROSAI-a.

U okviru Kongresa, organizovani su seminari na temu načina na koji vrhovne revizijske institucije mogu odgovoriti na savremene probleme poput cyber sigurnosti, revidiranja sredstava koja se dodjeljuju za zbrinjavanje izbjeglih i raseljenih osoba, pitanja vezana za humanitarne probleme i slično, kao i seminar na temu uloge vrhovnih revizijskih institucija u osiguravanju ostvarenja ciljeva održivog razvoja (Sustainable Development Goals – SDG).

Rezultati diskusija tokom plenarnih i radnih sesija Kongresa objedinjeni su i usvojeni u obliku zaključaka i preporuka s X kongresa EUROSAI-a.

Na Kongresu su, pored predstavnika Ureda za reviziju institucija u FBiH, prisustvovali i predstavnici Ureda za reviziju institucija BiH, Glavne službe za reviziju javnog sektora RS kao i Ureda za reviziju javne uprave i institucija u Brčko distriktu BiH.

Sarajevo, 30.05.2017.